

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
GRADSKA IZBORNA KOMISIJA
 Broj: 01/2-05-75-2025
 Tuzla, 04.11.2025. godine

Na osnovu člana 2.19. stav (5) Izbornog zakona Bosne i Hercegovine („Službeni glasnik Bosne i Hercegovine“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22, 24/24 i 24/24 - ispravka), člana 32. Uputstva o procedurama za provođenje prijevremenih izbora za predsjednika Republike Srpske („Službeni glasnik Bosne i Hercegovine“, 52/25) i člana 21. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine („Službeni glasnik Bosne i Hercegovine“, 31/24), Gradska izborna komisija Tuzla, na svojoj sjednici održanoj dana 04.11.2025. godine, d o n o s i

R J E Š E N J E
o imenovanju članova biračkog odbora i njihovih zamjenika na biračkom mjestu za glasanje u odsustvu
u izornoj jedinici Tuzla (050)

I

Na biračkom mjestu za glasanje u odsustvu u izornoj jedinici Tuzla (050) u birački odbor imenuju se:

BIRAČKO MJESTO 050 A 501 – OŠ SIMIN HAN LOKACIJA: OŠ „SIMIN HAN“ BIRAČKI ODBOR					
R/B	IME I PREZIME	SPOL	FUNKCIJA	POLITIČKI SUBJEKT/ORGAN	NAPOMENA
1.			PREDSJEDNIK	CIK	
2.	Darinka Čabrilo	Ž	ČLAN	00515	
3.	Muhibija Kavazović	M	ČLAN	GIK	
4.	Tamara Ašanin Mulahasanović	Ž	ČLAN	GIK	
5.	Edina Haračić	Ž	ČLAN	GIK	
1.			ZAM. PREDSJEDNIKA	CIK	
2.	Adnan Imamović	M	ZAM.ČLANA	GIK	
3.	Gabrijela Andrić	Ž	ZAM.ČLANA	GIK	
4.	Denis Bošnjak	M	ZAM.ČLANA	GIK	
5.	Faris Hadžiefendić	M	ZAM.ČLANA	GIK	
Politički subjekt 00515 nije dostavio prijedlog za zamjenika člana biračkog odbora, imenovao GIK. Politički subjekt 00018 nije dostavio prijedlog za člana i zamjenika člana biračkog odbora, imenovao GIK.					

Rješenje stupa na snagu danom donošenja.

O b r a z l o ž e n j e

Gradska izborna komisija Tuzla provela je postupak imenovanja članova i zamjenika članova biračkog odbora na biračkom mjestu za glasanje u odsustvu u izbornoj jedinici 050 (Tuzla), u skladu sa članom 2.19. stav (5) Izbornog zakona Bosne i Hercegovine („*Službeni glasnik Bosne i Hercegovine*“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22, 24/24 i 24/24 - ispravka), članom 32. Uputstva o procedurama za provođenje prijevremenih izbora za predsjednika Republike Srpske („*Službeni glasnik Bosne i Hercegovine*“, 52/25) i članom 21. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine („*Službeni glasnik Bosne i Hercegovine*“, 31/24), a sve u vezi s provedbom prijevremenih izbora za predsjednika Republike Srpske u 2025. godini.

U svojstvu članova i zamjenika članova biračkog odbora zastupljeni su prevashodno predstavnici političkih subjekata koji su ovjereni za učešće na Prijevremenim izborima za predsjednika Republike Srpske u 2025. godini i koji ispunjavaju uslove iz člana 2.19. stav (7) Izbornog zakona Bosne i Hercegovine. Od ukupno šest političkih subjekata koji su ovjereni za učešće na Prijevremenim izborima za predsjednika Republike Srpske u 2025. godini, samo dva politička subjekta ostvaruju pravo predlaganja članova i zamjenika članova biračkih odbora, a shodno aktu Centralne izborne komisije Bosne i Hercegovine broj: 06-1-07-1-764-14/25 od 20.10.2025. godine. Obzirom na tu činjenicu, Gradska izborna komisija Tuzla nije provodila uobičajeni postupak žrijebanja političkih subjekata za dodjelu mjesta u biračkom odboru, nego je provela automatsku dodjelu mjesta u biračkom odboru za predstavnike dva politička subjekta koji ostvaruju pravo predlaganja članova i zamjenika članova biračkog odbora, a što je u skladu sa smjernicom koju je dostavila Centralna izborna komisija Bosne i Hercegovine.

Od dva politička subjekta koji ostvaruju pravo predlaganja članova i zamjenika članova biračkog odbora, samo je jedan politički subjekt, u ostavljenom zakonskom roku, dostavio prijedlog kandidata za člana biračkog odbora, dok isti nije dostavio prijedlog za zamjenika člana biračkog odbora. U skladu sa članom 2.19. stav (12) Izbornog zakona Bosne i Hercegovine i članom 25. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine, u slučajevima kada je politički subjekt dostavio ukupan broj prijedloga kandidata koji je manji od ukupnog, odnosno utvrđenog broja članova i zamjenika članova biračkog odbora koji je dodijeljen tom političkom subjektu, odnosno kada politički subjekt uopšte nije dostavio niti jedan prijedlog kandidata za člana i zamjenika člana biračkog odbora, Gradska izborna komisija Tuzla je smatrala da su isti odustali od dodijeljenog mjesta u biračkom odboru. Ispod tabelarnog prikaza za imenovani birački odbor navedeno je precizno obrazloženje u pogledu toga koji politički subjekti nisu dostavili prijedlog za člana, odnosno zamjenika člana biračkog odbora.

Nakon izvršene provjere dostavljenog prijedloga kandidata za člana biračkog odbora, u smislu ispunjavanja općih uslova propisanih članom 2.2. i 2.3. Izbornog zakona Bosne i Hercegovine, odnosno članom 22. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine, kao i posebnih uslova koji su propisani prethodno pomenutim članom ovog Pravilnika, Gradska izborna komisija Tuzla je, u skladu sa odredbama Izbornog zakona Bosne i Hercegovine i Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine, kao i člana 4. Uputstva o žrijebanju političkih subjekata za mjesto u biračkom odboru za Lokalne izbore u Bosni i Hercegovini 2024. godine („*Službeni glasnik Bosne i Hercegovine*“, 31/24), predloženog kandidata koji ispunjava propisane opće i posebne uslove, imenovala za člana biračkog odbora. Sve prethodno pomenute provjere su izvršene na osnovu dostupnih evidencija i tehničkih mogućnosti sa kojima je do dana donošenja ovog Rješenja raspolagala Gradska izborna komisija Tuzla, dok će dodatne provjere biti vršene i naknadno po nalogu, odnosno na osnovu smjernica Centralne izborne komisije Bosne i Hercegovine kada se za to steknu uslovi, a sve u cilju dosljedne provedbe svih pozitivnih propisa.

Imajući u vidu da je jedan politički subjekt dostavio ukupan broj prijedloga kandidata koji je manji od ukupnog broja dodijeljenih mjesta u biračkom odboru u odnosu na tog političkog subjekta, odnosno da drugi politički subjekt nije dostavio niti jedan prijedlog kandidata za dodijeljena mjesta u biračkom odboru, Gradska izborna komisija Tuzla je uložila maksimalne napore u cilju popunjavanja svih upražnjenih mjesta članova, odnosno zamjenika članova biračkog odbora, a sve s ciljem nesmetanog provođenja izbornog procesa. Shodno tome, na sva upražnjena mjesta članova i zamjenika članova biračkog odbora, Gradska izborna komisija Tuzla je imenovala lica koja su se nalazila na rezervnoj listi kvalifikovanih osoba za imenovanje članova biračkih odbora/mobilnih timova i njihovih zamjenika, a koja rezervna lista je sačinjena u skladu sa članom 2.19. stav (12) Izbornog zakona Bosne i Hercegovine i članom 26. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine za potrebe provedbe Lokalnih izbora u Bosni i Hercegovini 2024. godine, kao i lica koja su obnašala funkciju predsjednika biračkih odbora na Lokalnim izborima u Bosni i Hercegovini 2024. godine u izornoj jedinici 050 (Tuzla), a koja su za te potrebe prethodno imenovana od strane Centralne izborne komisije Bosne i Hercegovine.

Na osnovu svega naprijed navedenog, odlučeno je kao u dispozitivu Rješenja.


POUKA O PRAVNOM LIJEKU: Protiv ovog Rješenja može se uložiti prigovor Gradskoj izornoj komisiji Tuzla u roku od 72 sata od momenta prijema istog.

DOSTAVLJENO:

2 x Političkim subjektima

1 x web stranica Grad Tuzla/GIK Tuzla

1 x a/a



**PREDSJEDNIK GRADSKE IZBORNE
KOMISIJE TUZLA**

Asja Kravić, dipl.pravnik